

Vorarlberger Landesarchiv Urkunde Nr. 8176

6. November 1771

Ich Hans Hevel vergich öffentlich für mich und alle min Erben und thue kundt aller menglich mit dem Brieff das ich mit gutter vorbetrachtung und wolbedachtem Synn und mut Recht und redlich verkoufft und zue Couffen gegeben han und gib mit dem Brive dem erbaren Hansen Hertzlin und allen sinen Erben ains bestätten ungevarlichen ewigen Couffs die acht Schilling Pfenig Zinß so ich danen von minem Bruder säligen Clausen Hevel a Couff han ab sinem Hus und Hoffstat mit siner Zugehörung gelegen Im Oberdorff und Järlich bis her mir gangen von usser und ab allem dem das dem benenten Hus und Hofstat Indert Zue= gehört alles nach des Hoptbriefs Lut und Sag die ich dar umb versiglet inne gehebt und ich auch dem obgenanten Hansen Hertzlin und sinen Erben mit Hoptgut und Zinß mit aller Gewyßhait und sicher= hait und mit allen Rechten der Inne begriffen mit sampt dem Brive Ereffentlich Ingeantwort und mich und minen Erben daran alles unsers rechten verzigen und entpfömmt hau und auch iezt verzich mit Diesem Brive gantzlich und gar In des Benannten Hansen Hertzlis In siner erben und nachkomem handen und Gewalt und umb die obgeschribner Acht schilling pfenig Zinß und die Acht pfund pfenig Hept= Gutz hant mir der obgenent Hans Hertzlin also par gegeben und bezalt Achtpfund pfenig genger und gutter Costenzer münß und Landz werung Die och alle an minem guten Nutz komen sint alles getrulich und one Gevarde und des alles zu warem offenen und vestern Urkunde So han Ich obgenenter Hans Hevel mit fliß und ernste gepetten und erpetten den ersamen wisen Jacob Albrich Der zit miner gnädigen Herschafft von Östereich und Ammann zu Torenbiren das er sin aigen Insigel für mich und alle mine erben öffentlich hat gehenkt an den Brieff Doch der Hoch gemelten Herschafft An allen iren rechten dem Amman und sinen erben unschädlich Der geben ist uff Mitwochen näst vor Sant Martis tag des Hailgen Bischoffs Nach der Gepurt Cristi vierzechen Hundert ains und Sibizig Jaure.

(Rückseite:)

Übergab Brieff umb VIII lbd von clasen Hevel von thorenpürn usser Hansen Hevels, Huß und Hofstatt Im oberdorff.
G 1471. 6. Novemb.